

Transkription von Urkunde QBD 1375a

Ort, Datierung: Quedlinburg, 1375-12-13

Signatur: Stadtarchiv Aschersleben, 80

Inhalt: Tyleman Wolff, Cone Weuel, Hennigh Mughge et al.: Urfehde

Wie Tyleman wolff ghe hietin schriu(er)e Cone weuel hen(n)igh mûghge hinze papelan ju(n)ghe / hen(n)i(n)gh warnstede Cord naghel hildebu(n)dis sone hans papelan vnde mestir hans steÿn/degkir bûrg(ere) tû Quedl(in)ghb(o)r(ch) beken(n)en opintlik in diss(em) briue vn(de) dûn witlik alle den die ôn / sien vn(de) hôrîn lesin dat wie ghelouet hebbin vn(de) louen alle in gûdin trûwin met samdir / hant vor hen(n)ighe van Talheÿm bûrg(ere) tû asschirsle(uen) vn(de) met ôme eyne rechte orueyde also hie / sie gesworin vn(de) ghelouet het tû haldene an allirleyge argelist also hir na beschreuen steÿt / Jn dissir wise dat hen(n)i(n)gh Talheÿm vm die schicht die an ôme ghe schin is hie noch neymant / van syner weghin siner frûnd edir vromdin dat roghin noch regkin schal an dem rade der / meynheÿt mesterin Jnni(n)ghe meste(re)n an hanse panzfelde an der stad asschirsle(uen) an den bôrghe(re)n / ghemenlekin vn(de) an orir yslekim by sundirn vn(de) dissin ergenant(en) allin vn(de) by sundirn ôrerir / Jowelkim nûmbir mer arich noch bose tû kerin noch tû fûghin schal hie sine frûnt hie sine / frûnd vrômdin noch neymand van siner weghin vn(de) ok ôren schadin ôre ergheste der stad tû / asschirsle(uen) vn(de) alle der die sie bewonen nu(m)bir bewetin schal noch wise noch werk met Rade met / dade noch met fulborde dar tû gheuen schal vortmer dat hie die wile hie leuet tû asschirsle(uen) binne(n) / der stad wonen schal vn(de) nicht von dennen thien noch dat sin van dannen bri(n)ghen fûrin noch dra/ghin schal hie en do denne dat met des Radis willin witschap vn(de) fulborde wierit ok dat van¹ Talheÿm vorbenômt edir Jemand van siner weghin disse orveyde also vorbeschreuen steÿt / an Jen(n)eghin stûgken vorbriekin vorrûcktin edir vor tôghin des siek hen(n)i(n)gh Talheÿm nicht le/deghin wolde noch en môchte met sines sûlues hant op den hilghin vn(de) wie dar van gemanet / wûrdin so schole wie von stadan on dar tû antwerdin vn(de) den broke der stad von stadan fûllich / ghenzlich weddir dûn an allin vortoch vn(de) hindir Des tû orkunde vn(de) merir sekirtheÿt alle disse / stûgke vn(de) by sundir ir Jowelk dem Rade tû asschirsleue vn(de) de(n) bûrg(eren) ghemenlekin dar sûlues / stede ghantz vn(de) vnuorbrokin ane argelist an allirleyge indracht vn(de) nÿge frûndetû haldene / so hebbe wie on gegheue(n) dissin brief witlekin vn(de) met gûdin willin Met vns(ir) allir ingesegele / na goddis bort dretteynhundirt Jar Jndem vif vn(de) seue(n)tigist(in) Jare in sente lucÿen daghe der / hilghin Ju(n)ghfrouwin

¹ van im Original durchgestrichen